


元城語錄解

附行錄解  
脫文



# 解錄語城元

文脫 解錄行附

馬王崔  
永崇銑  
卿慶編  
輯解錄  
文脫補名  
培錢

叢書集 成 初 編

(本印補)

元 城 語 錄 解  
附 行 錄 解 脫 文

一九三九年十二月初版

馬

永

卿

王

崇

慶

崔

銑

編

錢

培

行

培

名

錄

名

補

解

文

脫

輯

上海市印刷四廠印刷

# 元城先生語錄序

余觀馬永卿所著元城先生語錄。嗚呼。前輩不復見矣。使余讀之。至於三歎息也。余攷先生所學所論。皆自不妄語中來。其論時事。論經史。皆攷訂是非。別白長短。不詭隨。不雷同。不欺於心。而終之以慎重。此皆不妄語之功也。司馬溫公心法。先生其得之矣。

紹興丙子八月范陽張九成序。



# 元城先生語錄序

僕家高郵少從外家張氏諸舅學問。五舅氏諱樅。字聖作。七舅氏諱桐。字茂實。九舅氏諱楫。字濟川。大觀三年冬將赴亳州永城縣主簿。七舅氏戒僕曰。永城有寄居劉待制者。汝知之乎。僕謝不知。舅氏因爲言。先生出處起居之詳。且曰。汝到任可以書求教。僕到任之次日。因上謁三日。以書求教。先生曰。若果不鄙。可時見過。僕因三兩日一造門。後數月。先生以僕爲可教。意亦自喜。嘗曰。某在謫籍。少人過從。賢者少年初仕宦。肯來相從。願他日無負此言。是時先生寓于縣之回車院。年六十三四。容貌堂堂。精神言語雄偉。闡爽。每見客。無寒暑。無早晏。必冠帶而出。雖談論踰時。體無欹側。肩背聳直。身不少動。至手足亦不移。噫。可畏人也。僕從之學。凡一年有餘。後先生居南京。僕往來數見之。退必疏其語。今已二十六年矣。僕旣不能卓然自立。行其所學。以追前輩。已負先生之託矣。若又不能追錄先生之言。使之泯絕。則僕之罪大。僕懷此志久矣。獨以奔走因循。欲作復止。比因竊祿祠廩。晨昏之暇。輒追錄之。以傳子孫。蓋以僕聲名之微。不能使他人之必傳也。先生元城人。諱安世。字器之。事在國史。紹興五年正月望日。維揚馬永卿大年序。

# 元城語錄解目錄

卷上

鄉里第一

治書第三

新法第五

東坡第七

行己第九

進言第十一

西來第十三

變法第十五

恭儉第十七

薰籠第十九

獻書第二

學問第四

金陵第八

淮南第十

飲酒第十二

雅謔第十四

唐史第十六

任相第十八

讀書第二十

霍光第二十二

卷中

諫兵第二十一

神武第二十三	三代二十四
人材第二十五	春秋第二十六
西漢第二十七	佛書第二十八
賢主第二十九	公孫弘第三十
遺令第三十一	名相第三十二
居洛第三十三	取國第三十四
卜世第三十五	求教第三十六
詐僞第三十七	論詩第三十八
人品第三十九	酷吏第四十
用兵第四十一	圍棊第四十二
官制第四十三	夏至第四十四
左氏第四十五	殿試第四十六
請老第四十七	作史第四十八
六經第四十九	事君第五十
卷下	

玉堂第五十一

褒貶第五十三

子弟第五十五

歷法第五十七

魏徵第五十九

老人第六十一

附行錄解一卷

高帝第五十二  
論易第五十四

北歸第五十六

甘露第五十八

宰相第六十

談易第六十二

元城語錄者宋揚州馬永卿大年輯其師劉器之語也器之諱安世元城人永卿宋史無傳不能詳其官階此書舊題左朝散郎主管江州太平觀賜緋魚袋馬永卿編頗藉以識崖略書凡三卷與晁氏讀書志陳氏書錄解題合惟晁陳二家尙有劉先生譚錄一卷凡二十一則韓瓘撰道護錄一卷凡十九則胡珵撰均輯元城之語與馬氏書並行今皆不傳是編後有行錄一卷明南京禮部右侍郎謚文敏崔銑續輯謂之行錄者宋史藝文志有劉安世言行錄二卷早佚馬氏旣輯語錄故文敏作是書以補其闕當時元城令汝南進士張儒校刊語錄文敏曾爲作序並以所輯行錄授之事見洹詞迨後于文熙又補益之故至今附行不輟按是編雖以語錄命名而紀述舊聞旁及瑣事不規規於講學文淵閣書目列入子雜不爲無見要之爲說部之書亦蘇仲滋欒城遺言類也嘉靖中開州王端溪取語錄行

元城語錄解 目錄

四

錄通爲之釋名之曰元城語錄解書中義蘊多所發明閒有辨正亦能伸已見初刻於汝南再刻於元城近世流傳漸少茲猶是元城刊本可貴也端溪譚崇慶字德徵正德戊辰進士累官戶部尙書有端溪集八卷

道光庚子七月望日三原李錫齡識於惜陰軒

# 元城語錄解卷之上

宋 維揚 馬永卿輯 明 開州 王崇慶解

僕初見先生。先生問僕鄉里。且曰。王鞏安否。僕對曰。王學士安樂來赴任時嘗往別之後。兩日知縣詹承議輔語僕曰。適見劉侍制云。新主簿可教。因問何以得之。公曰。後生不稱前輩表德。此爲得體。又曰。此公極慎許可。吾友一見已蒙稱道。此可重也。王學士字定國。從先生學。居於高郵。解曰。此馬永卿受教元城稱顧何足怪。而元城取焉。蓋其一念忠厚之發。終身德業之地。於是乎在。不但爲得體而已。嗚呼。彼有童心未除。客氣未降。而方傲視尊長。抗禮父兄甚者。從而毀焉。謂永卿之罪人非與。

僕見後三日。僕獻書求教。先生再讀之。似有喜色。且以言見謝。僕因問立身仕宦之道。先生問余家屬畢。曰。賢俸祿薄。當量入以爲出。僕復問請益。先生曰。漢書云。吏道以法令爲師。有暇可看條貫。又曰。不獨可以治人。亦可以保身。僕歸檢漢書。前語出薛宣傳。先生之意。以僕初出場屋。行己或犯法。且爲吏所欺。故有此言。解曰。此元城不得已而從俗。不得已而以吏教人者也。今夫吏道以法令爲師。固也。不曰儒道以六經爲師乎。不曰儒道以仁義爲師也乎。是故聞有積不善而罹殃者矣。未聞躬行仁義而犯法者也。聞有不理繩墨而失身者矣。未有潛心聖經而得非報者也。乃以吏道倡。如吾儒六經仁義何。故愚嘗以爲六經仁義不獨可以治人。亦可以保身。故知元城不得已而從俗者也。讀者尙勿以爲迂。先生問僕舊治甚經。僕對治書。先生曰。今之書。乃漢所謂尙書。若復求孔子所定之書。今不見矣。僕聞其言色駭。先生曰。漢承秦火之後。諸儒各以所學談經。或得或失。然各自名家。自濟南伏生以降。不獨一人。就其中取之。獨孔安國古文尙書尤勝諸家。則今之尙書是也。僕曰。其略何如。可得聞乎。先生曰。止。如曰。若稽古字。往往不同。不知近日士人如何解。僕因舉新經以對。先生曰。此非金陵說乎。非但金陵之說非。

而孔氏之說亦非也。因令取注尙書以手指語僕曰自此作堯典以尙書序也。舊典他序同在一處。孔氏移於諸篇之首。又指堯典曰以下語僕曰此兩字乃篇題也。其下當爲粵若稽古。粵若發語之辭也。稽考也。言史氏考古有此事也。今孔氏以若爲順古道而行之。莽也。然此事賢卒未能解。可取前漢儒林傳藝文志熟讀之。則可見矣。僕後數日再見且曰堯典之說果如先生之言。因曰儒林傳云孔氏有古文尙書孔安國以今文字讀之。因以起其家竊恐今之尙書非古文也。先生笑曰是也。古文尙書乃科斗科斗變爲大篆。大篆變爲小篆。小篆變爲隸書。所謂今文字乃漢之隸書也。故尙書序云爲隸古定其去科斗遠矣。僕又曰粵若者。則所謂越若來三月是也。所謂稽古者。則所謂惟稽古是也。先生曰然。今按藝文志注曰秦延君說曰若稽古二三萬言。則是曰若稽古當作四字一句也。今乃以堯典曰爲一句。若稽古帝堯爲一句。非也。秦恭字延君。信都人也。見儒林傳。必以漸而變義。必因人而更。惟二帝三王之大經大法。今載諸典謨訓誥者。固皆定而可考也。是故書以道政事。然帝王之道心法既同。則亦不可以形迹泥矣。此乃科斗篆隸之說。蓋評經之書法云耳。非論經之道也。

先生因言及王荊公學問。先生曰金陵亦非常人。其操行與老先生略同。先生呼溫公則曰老先生。呼荊公則曰金陵。其質朴儉素。終身好學。不以官職爲意。是所同也。但學有邪正。各欲行其所學爾。而諸人輒溢惡。此人主所以不信。與夫天下之士。至今疑之。以其言不公。故愈毀之。而愈不信也。嘗記漢時大臣於人主之前。說人短長。各以其實。如朱雲是其一也。僕退而檢朱雲傳。華陰守丞嘉封事薦朱雲爲御史大

夫下其事問公卿衡對以爲雲素好勇數犯法亡命受易頗有師道僕後見先生因舉此言先生曰是矣凡人有善有惡故人有毀有譽若不稱其善而併以爲惡而毀之則人必不信有是惡矣故攻金陵者只宜言其學乖僻用之必亂天下則人主必信若以爲以財利結人主如桑洪羊禁人言以固位如李林甫姦邪如盧杞大佞如王莽則人不信矣蓋以其人素有德行而天下之人素尊之而人主夷考之無是事則與夫毀之之言亦不信矣此進言者之大戒也然曰略同則已得之矣其曰質朴儉素終身好學不足以官職爲意自當時觀之二公若有同者矣不知二公所學之誠與否其亦同乎未也今卽一事則亦有足徵者是故蓬頭垢面非人情矣質朴儉素者固如是乎居家爭墩當時之輿評者然也不以官職爲意者固如是與則知金陵之與溫公名雖略同而心實相懸絕此則誠與不誠之間不可不察也然其博學多才宜亦有不可毀者而人乃往往毀焉則其執拗有以取之愚故曰元城論荆公所以尊溫公也

先生問僕曰世之所以罪金陵者何也僕以新法對先生曰此但一事耳其爲大害不在是也且論新法多成周之法且五帝之法尙不同而金陵乃以成周之法行於本朝何哉且祖宗所以不多爲法令者正恐官吏緣此以撓民也正如莊子言剖斗折衡則民不爭使天下人皆如莊周自可不爭使天下吏人皆如臨川可以不要人錢也僕曰所謂大害何也先生曰正在僥倖路開耳譬如一大室中聚天下珍寶只有一門門前有一正路甚廣大然極迂遠難到若非其人輒趨此路者必有人約迴之然此室又有數小邪路可到有數小門可入自古聖君賢臣相與同心極力閉此門若有由邪路來者則拒之使不得入或時放一兩人入亦不至甚害也若乃廣開此路大開此門則人乘此徑路而入自此門一開之後不復可閉何況有人於室中招之乎嘉祐之末天下之弊在於舒緩金陵欲行新法恐州縣慢易因擢用新進少

年而僥倖之路從此遂啓。又教人主作福作威之術。故有不次用人。至於特旨御前處分金字牌子。一時指揮之類。紛紛而出。以爲賞罰人主之柄。且此柄自持可也。若其勢必爲姦臣所竊。則賞罰綱紀大壞。天下欲不亂。得乎。解曰。元城論金陵引用新進輕變紀綱。其言至當。無復可議。則夫金陵得罪當世者可知。教之云乎。然其加一術字。則猶有可議者。洪範曰。惟辟作威。惟辟作福。謂政在人主也。又曰。臣無有作威作福。謂權不可下移也。金陵乃教之以術。則戾夫道而拂人性者多矣。此元城譏之。以爲大害者非過也。

先生尋常亦談釋氏。每曰。孔子佛之言相爲終始。孔子之言毋意。毋必。毋固。毋我。佛之言曰。無我。無人。無衆生。無壽者。其言次第。若出一人。但孔子以三綱五常爲道。以治生靈爲心。故於色色空空之說。微開其端。欲令人自得爾。且孔子之心。佛心是也。假天下無三綱五常之道。則禍亂大作。人將無噍類。豈佛之心乎。譬如州縣長官不事事。而郡縣大亂。乃復禮佛誦經。閉門坐禪。以爲學佛可乎。故儒釋道神四者。其心皆一。但門庭施設不同爾。先生曰。古今大儒。因著論毀佛法者。蓋有說也。且彼尾重則此首輕。今爲儒弟子。宜各主其教。使之無過於重而已。且三教猶鼎足。獨令一足大可乎。則鼎必覆矣。且所謂佛法者。果何物也。凡可以言者。皆有爲法也。謂之有爲法。則有成有敗。然萬物之理。盛極必壞。故佛法大盛。則不獨爲吾儒病。亦爲佛法之大禍也。彼世之小儒。不知此理。見前輩或毀佛法。亦從而誑之。以謂佛法皆無足采。非也。芻蕘之言。聖人擇焉。且佛法豈不及於芻蕘之言乎。而聖人堯舜周孔也。彼乃自視以爲過於堯舜。周孔。此又好大之病也。與溺佛而至佞佛同科。解曰。此一段恐是元城先生誠之未化處。不然。則永卿附儒所同然乎。今夫道一而已矣。佛氏見之。謂之寂滅。老子見之。謂之虛無。則是以道爲二也。二之者。是爲非道。夫非道則亦不可道矣。今觀其言。孔子佛之言相爲終始。不知所謂相爲終始者可如。又曰。其言如。

論不以同之無乃過乎。且曰：儒釋道神其心皆一，豈有其心既一而其道獨異者乎？又曰：但門庭施設不同，夫旣設不同，又豈有體段獨同者乎？嗚呼！率天下之人參異同之變，害天理之正，必自斯言始矣。愚不可謂子雲者，則謂萬法皆空矣。夫惟其然，是以絕妻子離人爲瘦耳目大亂之道也。相去遠矣，比而論之，無我無人云者，則謂萬法所空之意，必固是以絕妻子離人爲瘦耳目大亂之道也。

先生因言及東坡先生。曰：士大夫只看立朝大節如何。若大節一虧，則雖有細行不足贖也。東坡立朝大節極可觀，才意高廣，惟己之是信。在元豐則不容於元豐，人欲殺之。在元祐則雖與老先生議論亦有不合處，非隨時上下人也。僕又問東坡稱先生喜談禪何也。先生曰：非也。北歸時與東坡同塗，極款曲，故暇日多談禪。某嘗患士大夫多以此事爲戲，且此事乃佛究竟之法，豈可戲以爲一笑之資乎？此亦宜戒。解曰：永卿之詳不可考。然觀其以東坡稱先生，喜談禪爲間，則其微意亦自可窺矣。而元城方且目爲究竟，又曰：此亦宜戒。吾不圖元城師仲尼而何以有此也？雖然是或一道也。夫常情必有所見，而後心有定。必心有所定，而後心無累。彼佛之道，謂萬法皆空，則夫汲汲於富貴，戚戚於貧賤者，從而味焉，審焉，則亦以灰其念而淡其心矣。元城之談禪，無乃爲此不然乎？又何敢知乎？

先生曰：金陵有三不足之說，聞之乎？僕曰：未聞。先生曰：金陵用事，同朝起而攻之。金陵闢衆論，進言於上曰：天變不足懼，祖宗不足法，人言不足卹。此三句非獨爲趙氏禍，乃爲萬世禍也。老先生嘗云：人主之勢，天下無能敵者，或有過舉，人臣欲回之，必思有大於此者，巴攬庶幾可回也。天子者，天之子也。今天變，乃天怒也，必有災禍，或可回也。今乃教人主使不畏天變，不法祖宗，不卹人言，則何等事不可爲也？僕曰：此言爲萬世禍，或有術以絕其端，而使不傳於後世。先生曰：安可絕也。此言一出，天下莫不聞之，不若著論明辨之。曰：此乃禍天下後世之言，雖聞之尚可救也。譬如毒藥不可絕，而神農與歷代名醫言之，曰：此乃

毒藥如何形色食之必殺人故後人見而識之必不食也今乃絕之不以告人既不能絕而人誤食之死矣先生又曰巴攬兩字賢可記取極有意思解曰元城論金陵三不足之說足以誤蒼生禍後世其意甚傳之於祖宗資之於諫論自有堯舜以來莫之或違而曰不足畏所畏者何而曰不足卽所卽者何故曰此正金陵之所謂執拗者也

先生與僕言行已出處且曰紹聖初某謫嶺表既到嶺上北望中原慨然自念奉父母遺體而投炎荒恐不生還忽憶老先生語云北人在煙瘴之地唯絕嗜慾可以不死是日遂絕至于今更不復作且大丈夫自誓不爲則止耳何必用術也趙清獻本朝一名臣欲絕慾不能乃掛父母之畫像於臥牀中且以偃臥其下而使父母具冠裳監視不亦瀆乎昔陶潛賦歸去來卽徑歸而王羲之乃自誓於父母墳前且仕宦豈是不好事但看行已如何爾若仕宦有益於社稷生靈其勝獨善一身多矣蓋先生之意欲自比彭澤而以清獻比右軍解曰此一段見元城不肯其師不忘其親其誠之所爲乎是故養生莫如真欲知所以真欲則知所以養生矣然曰是日遂絕至於今更不復作則有非元城不能爲者愚故曰誠之所爲也

先生曰金陵在侍從時與老先生極相好當時淮南雜說行乎時天下推尊之以比孟子其時又有老蘇人以比荀子但後來爲執政與老先生論議不合爾老先生嘗謂金陵曰介甫行新法乃引用一副當小人或在清要或在監司何也介甫曰方法行之初舊時人不肯向前因用一切有才力者候法行已成即逐之卻用老成者守之所謂智者行之仁者守之老先生曰介甫誤矣君子難進易退小人反是若小人得路豈可去也若欲去必成讐敵他日將悔之介甫默然後果有賣金陵者雖悔之亦無及也賣金陵者

將悔之其見遠矣嗚呼其誠而明乎明而誠乎金陵雖將悔之其將能乎

先生曰人臣進言於君當度其能爲卽言之若太過蹙關閉或一旦決裂其禍必大不若平日雍容以諷之使無太甚可也哲廟初銳意於學一日經筵講畢於一小軒中賜茶上因起折一柳枝其中講筵臣乃老儒也起諫曰方春萬物生榮不可無故摧折哲宗擲之其色不平老先生聞之不悅謂門人曰使人主不欲親近儒生者正爲此等人也歎息久之老儒卽伊川先生程頤字正叔解曰程子爲講官諫折柳一節所以養人主好生之心夫是謂因事納忠易所謂自牖者也元城從而短之且目爲老儒則元城於體認天理之功吾恐其去程子遠矣蓋愚深爲元城惜焉

先生曰天下之事不可以一概論且以飲酒一事言之本草言三人早行內一人獨生者以飲酒故也且冬月早行冒寒必疾故藉酒酷烈之氣以敵之某初到南方有一高僧教余言南方地熱而酒性亦大熱本草所謂大海雖凍而酒不冰今嶺南煙瘴之地而更加以酒必大發疾故疾之狀使人偏身通黃此熱之極也故余過嶺卽斷酒雖徧歷水土惡弱他人必死之地某獨無恙今北歸已十年矣未嘗一日患瘴者此其效也故某多與人言此事欲盡知之若此輩或有言酒可以避瘴者但見初到炎鄉藉此以禦瘴氣似乎有驗不知積久積熱于五臟之間不可救也若北人能絕酒色兩事雖在炎方何害解曰聖人無衆人多欲此固自然之理而亦人品有以限之矣元城投嶺海以酒色爲戒是亦保身之一節云夫保身度讀元城之訓深有警焉

先生嘗問僕參請乎僕對以亦嘗有此事但未能深得爾先生曰所謂禪一字於六經中亦有此理但不